



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KТРО 0017157 19  
Sarajevo, 20.02.2023. godine

**SUD BOSNE I HERCEGOVINE**  
**SARAJEVO**  
**-Sudiji za prethodno saslušanje-**

Na osnovu člana 35. stav 2. tačka i) i člana 226. i 227. st. 1. ZKP-a BiH, p o d i ž e m:

**OPTUŽNICU**

Protiv:

**HUJIĆ DŽEJNE**, zv. „Dženi“, [redacted] rodene  
1991. godine u Sarajevu, [redacted] državljanke  
BiH, [redacted]

**Što je:**

Nakon što je nabavila dvije krivotvorene novčanice u apoenu od po 500,00 Eura, **identičnih serijskih slova i brojeva:** [redacted] u namjeri da iste stavi u opticaj kao prave, i za koje je, obzirom na ovu činjenicu znala da su krivotvorene, iste stavila u opticaj na području općine Vogošća, na način da je:

1. Dana, **02.09.2019. godine**, oko 7,30 sati, u Semizovcu, [REDACTED] općina **Vogošća**, gdje se dovezla vozilom marke „VW“, tip „Golf V“ registarskih oznaka [REDACTED], crne boje, koje je prethodno iznajmila [REDACTED] predstavljajući se kao „Amela“ supruga [REDACTED] i koristeći njegovu ličnu kartu, [REDACTED], ispred kuće [REDACTED], u prisustvu radnika [REDACTED], dala jednu krivotvorenu novčanicu u apoenu od 500,00 Eura, serijskih slova i brojeva: [REDACTED] na ime plaćanja pečenog janjca, bez stvarne namjere za preuzimanje istog, već isključivo sa ciljem dobijanja ispravnog novca kroz vraćeni kusur, insistirajući da joj [REDACTED] „odmah“ vrati preostali kusur, što je ista i učinila, vrativši joj dio kusura u iznosu od 300,00 KM, dok se po preostali iznos novca Hujic Džejna nikada nije vratila, niti je preuzela pečenog janjca.
2. **Istog dana i istim vozilom kao pod tačkom 1.**, oko 13,00 sati, dovezla se u ulicu [REDACTED] u **Vogošću**, predstavivši se [REDACTED] kao „Maja“, a potom [REDACTED], u prisustvu [REDACTED] platila naručenog pečenog janjca drugom krivotvorenom novčanicom u apoenu od 500,00 Eura, serijskih slova i brojeva: [REDACTED] bez stvarne namjere za preuzimanjem tog janjca, već isključivo sa ciljem dobijanja ispravnog novca kroz vraćeni kusur, a [REDACTED] je njoj vratila kusur u novčanom iznosu od 750,00 KM, dok se Hujic Džejna po pečenog janjca nikada nije vratila, niti je istog preuzela.

**Dakle**, pribavila lažni novac i potom isti u dva navrata stavila u opticaj kao pravi,

**Čime je**, počinila krivično djelo krivotvorenje novca iz člana 205. stav 1. KZ-a BiH, u vezi sa članom 54. KZ-a BiH.

TUŽILAC  
TUŽILAŠTVA-TUŽITELJSTVA BiH